



Convocatoria do programa “Implantación de ferramentas de medios de pagamento en formación profesional”, enmarcado dentro do convenio de colaboración entre a Consellería de Educación, Universidade e Formación Profesional e a entidade financeira Abanca Corporación Bancaria S.A para o desenvolvemento de actuacións conxuntas a favor do desenvolvemento do espírito emprendedor, no marco de Eduemprende.

OBXECTIVO

Esta convocatoria ten por obxecto fomentar o emprendemento e a educación financeira na formación profesional, entre o alumnado das familias profesionais de Administración e xestión, e de Comercio e márketing. Esta actuación encádrase no Plan de emprendemento no sistema educativo Eduemprende.

DESCRIPCIÓN DA CONVOCATORIA

Esta convocatoria vai dirixida ao alumnado que curse ensinanzas de formación profesional nas familias de Administración e xestión e de Comercio e márketing en centros educativos dependentes da Consellería de Educación, Universidade e Formación Profesional, nos que ditas ensinanzas estean sostidas con fondos públicos. As actividades para desenvolver neste programa son as seguintes:

1. Entrega dun TPV físico e/ou virtual aos centros que o soliciten, para a xeración de comercios físicos e/ou virtuais e para a aprendizaxe do seu funcionamento.

Abanca entregará a cada centro participante un TPV físico e/ou virtual, para cuxa recepción o centro asinará un contrato de prestación de servizos facilitado pola entidade. O terminal será entregado ao centro en depósito, polo que este asumirá o risco da súa perda ou da súa deterioración.

Cómpre que o TPV teña actividade ao longo do curso académico, xa que máis de nove meses sen actividade suporá a baixa do servizo. Os terminais serán devoltos a Abanca cando se considere que non vaian ser de utilidade.

O centro recibirá asesoramento por teléfono ou por correo electrónico sobre a utilización do terminal facilitado sempre que o solicite; para iso designará a persoa do centro coa que se coordinará o persoal de Abanca.

As características de prestación do servizo de TPV físico e virtual regúlanse polas condicións que se adxunta a esta convocatoria como Anexo II.

2. Actividades de formación específicas dirixidas ao alumnado. Estas actividades, que terán unha duración de dúas horas, versarán sobre o funcionamento dos medios de pagamento, a tipoloxía de tarxetas e as formas de operación, novas tecnoloxías relacionadas con medios de pagamento e a súa evolución, riscos e controis que cómpre ter en conta, reclamacións, e dereitos e responsabilidades de comerciantes e compradores.



O número máximo de centros que poderán participar nesta actividade é de 5 por cada trimestre sen que sexa posible a acumulación de prazas dun trimestre para outro. Non haberá número máximo de alumnado participante. As datas desta formación acordaranse entre o coordinador do programa no centro e os responsables deste de Abanca.

Os centros seleccionaranse segundo os seguintes criterios:

1. Non ter participado na convocatoria anterior.
2. Maior numero de alumnado participante.
3. Orde de entrada da solicitude.

3. Actividade de formación do profesorado. O profesorado interesado poderá solicitar esta actividade a través do Sistema da Formación do Profesorado.

SOLICITUDE

As solicitudes para participar nas actividades 1 e ou 2 desta convocatoria presentaranse no enderezo electrónico eduemprende@edu.xunta.es , conforme ao Aneo I, antes do día 01/10/2019.



ANEXO I

SOLICITUDE DE INSCRICIÓN

DATOS DO CENTRO				
CENTRO	CÓDIGO DO CENTRO			CIF
ENDEREZO	CP	LOCALIDADE	CONCELLO	PROVINCIA
TELÉFONO	FAX		ENDEREZO ELECTRÓNICO	
PERSOA COORDINADORA	TELÉFONO DE CONTACTO	ENDEREZO ELECTRÓNICO DE CONTACTO		
MARQUE CUN "X" SEGUNDO CORRESPONDA				
☐ Participa unicamente na actividade de entrega aos centros dun TPV físico e/ou virtual.				
☐ Participa tamén na actividade de formación específica dirixida ao alumnado. Neste caso indique:				
• Nº DE ALUMNOS/AS:				
• CURSO:				
• TRIMESTRE SOLICITADO:				
SINATURA DO DIRECTOR/A DO CENTRO SOLICITANTE		SINATURA DA PERSOA COORDINADORA		



ANEXO II

ACLARACIÓNS SOBRE O SERVIZO DE TPV PRESTADO POR ABANCA

- ABANCA ofrece a contratación dun TPV físico e/ou virtual para o centro. O centro pode elixir se quere unha das modalidades ou as dúas, tendo en conta as súas necesidades de formación, e a utilización que vaian facer do/s mesmo/s.
- Non é necesario que o centro teña conta en ABANCA, pero é obrigatorio que o centro exista na base de datos de clientes de ABANCA. De non ser así, non poderemos cursar a alta do/s terminal/terminais ata que se curse a alta da relación.
- En calquera dos casos, o centro debe firmar un contrato de TPV cun anexo de condicións específicas nas que se regula o funcionamento da colaboración, entre outras cousas, que o TPV só se pode utilizar para labores docentes.
- As características específicas do **TPV FÍSICO** son as seguintes:
 - Trátase dun TPV real, polo tanto, as operacións que se realicen son completamente reais. Non existe contorno de probas no que poder facer operacións que non teñan unha repercusión contable.
 - Ao tratarse dun entorno de real, non existen tarxetas de proba, polo que pódese utilizar calquera tipo de tarxeta financeira de calquera entidade para realizar as operacións. Isto aporta a vantaxe de que se pode probar o funcionamento de calquera medio de pagamento que exista no mercado.
 - Todas as operacións que se realicen deben anularse posteriormente para que non existan movementos contables asociados ao terminal.
 - Non existe risco de fraude, porque os cartos utilizados para as operacións só son accesibles por ABANCA, e non se poden facer devolucións de operacións para as que non exista una venta previa.
 - No caso de que o centro non dispoña dunha tarxeta real para realizar as operacións, recomendamos solicitar unha tarxeta prepago ao nome do centro de xeito que teña perfectamente acotado o importe máximo que se pode utilizar para a realización das operacións. Este servizo o prestan moitas entidades, ABANCA entre elas, e o centro pode elixir con quen contratalo. No caso de que se realice con ABANCA, a contratación desta tarxeta prepago non forma parte do convenio de colaboración.
- As características específicas do **TPV VIRTUAL** son as seguintes:
 - Neste modelo están dispoñibles os contornos de proba e de real.
 - No caso de que se utilice o contorno de real, hai que ter en conta todo o indicado no apartado do TPV FÍSICO, de xeito que se devolvan todas as operacións que se realicen.
 - No caso de que se utilice o contorno de probas, na documentación facilítanse tarxetas de proba para utilizar no sistema. Neste contorno, as operacións non teñen ningunha repercusión contable.
 - A integración do TPV VIRTUAL dentro da tenda virtual debe realizala o centro, non é un servizo incluído no convenio. Desde ABANCA prestamos o servizo de asesoramento para a resolución das dúbidas que poidan aparecer neste desenvolvemento, e referencias a ferramentas que existan no mercado e das que se teña coñecemento.